

# **JURNAL PENTERJEMAH 1987-2003: WAJAH PENTERJEMAHAN MALAYSIA**

**ROOSFA HASHIM** 

---

## **ABSTRACT**

In academia, stories of struggling journals are legion. This paper examines the features of *Jurnal Penterjemah* and some of its challenges to establish itself as a reputable publication in its field. All eight issues of the journal—published from 1987 to 2003—were reviewed for the purpose of this study, and the findings reveal obvious shortcomings, including failure to publish on time and negligence of standard practices in journal publishing. The paper closes with a number of proposals which could help *Jurnal Penterjemah* reinvent itself into a creditable publication, for both scholars and practitioners of translation.

**Keywords:** Scholarly publishing—Malaysia, scholarly journal—Malaysia, Malaysia—translation works

## **PENERBITAN JURNAL OLEH PERSATUAN PROFESIONAL**

Perkembangan jurnal ilmiah di negara ini dimulakan oleh kelompok sarjana Inggeris dalam The Royal Asiatic Society Malayan Branch yang mula menerbitkan *Journal of The Starits Branch of the Royal Asiatic Society* pada tahun 1878 iaitu setahun setelah tertubuhnya pertubuhan tersebut pada 1877. Jurnal ini terbit sehingga tahun 1922 apabila disambung pula dengan judul *Journal of the Malayan Branch of the Royal Asiatic Society* (1923-1963) diterbitkan di bawah Royal Asiatic Society of Great Britain and Ireland. Selepas Malaysia ditubuhkan pada tahun 1963, mulai keluaran 1964 jurnal ini memakai nama menjadi *Journal of the Malaysian Branch of the Royal Asiatic Society*. Sejak itu, pelbagai kelompok sarjana yang mewakili disiplin dan bidang ilmu yang khusus dan tersendiri mula menerbitkan jurnal masing-masing.

Dengan terbitnya jurnal daripada pelbagai persatuan, khalayak sarjana dalam bidang tertentu bukan sahaja dapat membaca hasil kajian dan penyelidikan terbaru dalam disiplin ilmu yang mereka minati bahkan mereka dapat pula menerbitkan hasil penyelidikan

dalam bidang masing-masing. Sebahagian jurnal yang diterbitkan oleh persatuan sarjana dan kumpulan ahli akademik ini dibentangkan dalam Jadual 1.

Jadual 1 memperlihatkan bahawa sarjana dalam beberapa bidang ilmu di negara ini telah memulakan penerbitan jurnal dalam bidang ilmu masing-masing. Jadual ini memaparkan hanya sebahagian kecil daripada keseluruhan jurnal yang telah terbit di negara ini. Amalan kesarjanaan yang pada mulanya direntas oleh sarjana Inggeris kemudian disambut dan diteruskan oleh sarjana anak tempatan di maktab, universiti serta pelbagai institusi penyelidikan. Maka terbitlah jurnal peringkat jabatan, fakulti dan universiti, kementerian dan jurnal terbitan institusi penyelidikan. Salah satu aspek yang menarik diperhatikan dan dikaji ialah jurnal terbitan persatuan dan komuniti bidang tertentu.

### **Jadual 1: Jurnal Terbitan Pelbagai Persatuan**

<b>Jurnal</b>	<b>Persatuan yang Menerbitkan</b>
<i>Journal of the Starits Branch of the Royal Asiatic Society (1877)</i>	Royal Asiatic Society Malayan Branch
<i>Journal of the Malayan Branch of the Royal Asiatic Society (1923-1963)</i>	Royal Asiatic Society of Great Britain and Ireland
<i>Journal of the Malaysian Branch of the Royal Royal Asiatic Society (1964- )</i>	Royal Asiatic Society of Great Britain and Ireland
<i>Malayan Medical Journal 1926</i>	British Medical Association Malayan Branch
<i>The Malayan Nature Journal (1940)</i>	Malayan Nature Society
<i>Journal of the Malayan Association of the Institution of Civil Engineers (1952)</i>	Malayan Association of the Institution of Civil Engineers
<i>Journal of the Malayan Angling Association (1953-58)</i>	Malayan Angling Association
<i>Malayan Historical Journal (1954)</i>	Malayan Historical Society
<i>The Journal of the Malayan Veterinary Medical Association (1955)</i>	Malayan Veterinary Medical Association
<i>Malaya in History (1957-64)</i>	Malayan Historical Society
<i>Malayan Library Journal (1961)</i>	Persatuan Perpustakaan Malaysia
<i>Journal of the Malayan Society of Engineers (1961)</i>	Malayan Society of Engineers
<i>The Malaysian Veterinaty Journal (1964)</i>	Malaysian Veterinary Association
<i>Malaysia Dari Segi Sejarah (1964)</i>	Malayan Historical Society
<i>Perpustakaan Malaysia (1965)</i>	Persatuan Perpustakaan Malaysia
<i>Penulis (1967)</i>	Persatuan Penulis Nasional Malaysia
<i>Bahasa (1967)</i>	Persatuan Bahasa Malaysia, Universiti Malaya
<i>Kajian Veterinar Malaysia (1974)</i>	Association of Veterinary Surgeons Malaysia
<i>Jurnal Sejarah Melaka (1976)</i>	Persatuan Sejarah Malaysia Cawangan Melaka
<i>Jauhar: Jurnal Sejarah Johor (1982)</i>	Persatuan Sejarah Johor
<i>Purba (1982)</i>	Persatuan Muzium Malaysia
<i>Ilmu Masyarakat (1983-1992)</i>	Persatuan Sains Sosial Malaysia
<i>Linguistik (1983)</i>	Persatuan Linguisitik Malaysia
<i>Jurnal PERKAMA (1984)</i>	Persatuan Kaunseling Malaysia
<i>Jurnal Psikologi Malaysia (1985)</i>	Persatuan Psikologi Malaysia
<i>Jurnal Penterjemah (1987)</i>	Persatuan Penterjemah Malaysia
<i>Jurnal Arkeologi Malaysia (1988)</i>	Ikatan Arkeologi Malaysia
<i>Jurnal Veterinar Malaysia (1989)</i>	Persatuan Veterinar Malaysia
<i>Kesturi (1991)</i>	Akademi Sains Islam Malaysia

Jika Jadual 1 diperhatikan dengan lebih mendalam dan teliti, kita akan dapati *JMBRAS* yang merintis laluan pada 1878 masih kekal sebagai sebuah jurnal terkemuka, berpengaruh, dan berwibawa di negara ini terutama bagi bidang sejarah. Pada masa yang sama kita dapati, sebahagian jurnal mampu bertahan untuk tempoh waktu tertentu yang panjang, ada yang cuma dapat terbit untuk beberapa keluaran sahaja, dan ada yang masih bertahan tetapi tidak dikenali, sukar diperoleh dan tidak terdapat di mana-mana perpustakaan tetapi masih terus dikeluarkan oleh penerbitnya.

Jurnal bermasalah seperti ini merupakan fenomena biasa dalam masyarakat ilmiah kita. Telah banyak kajian dan tulisan yang menghuraikan pelbagai masalah yang melanda penerbitan jurnal-jurnal dalam kelompok ini, misalnya apa yang pernah dibentangkan oleh Zainab Awang Ngah (1997), Abdul Rahman Embong (1997), Roosfa Hashim (2002) Md. Sidin (1997), dan Lim Huck Tee (1975).

Dalam kajianya, Lim Huck Tee (1975) membahagikan masalah dalam penerbitan jurnal ilmiah di negara ini kepada empat iaitu masalah editorial, masalah pengeluaran, masalah undang-undang, dan masalah kewangan dan pengedaran.

Walau bagaimanapun, belum ada analisis atau tulisan yang meneliti aspek demi aspek, ciri demi ciri sesuatu jurnal yang menyebabkannya berada dalam keadaan hidup segan mati tak mahu. Maka, makalah ini ditulis bagi mengkaji sifat-sifat yang ada pada sebuah jurnal iaitu *Jurnal Penterjemah* serta cabaran-cabarannya.

## PIAWAI PENERBITAN JURNAL ILMIAH

Sejak kemunculan jurnal ilmiah pertama di dunia, bentuk, ciri, dan sifat jurnal ilmiah sentiasa dimantapkan dari masa ke masa. Kini telah wujud pelbagai gaya yang mantap bagi menerbitkan jurnal ilmiah misalnya oleh Maeve O'connor (1986) dan gaya penerbitan yang mantap seperti *CBE Style Manual* dan *The Chicago Manual of Style*. Jurnal ilmiah mestilah melaporkan sesuatu yang baharu. Sesuatu yang baharu ini bermaksud suatu yang asli dan tidak pernah diterbitkan di mana-mana penerbitan lain.

Kandungan jurnal ilmiah boleh dipelbagaikan dan tidak terhad hanya kepada makalah sahaja. Selain makalah, boleh juga dimuatkan lidah pengarang kalau pun tidak dalam setiap keluaran, setidak-tidaknya sekali-sekala ketua editor bersuara dan mengupas sesuatu isu dalam bidang penghususan jurnal tersebut. Surat pembaca atau surat kepada editor juga boleh diterbitkan supaya wujud interaksi antara pembaca dengan penerbit dan editor. Bagi meningkatkan kesedaran tentang kelahiran buku dalam bidang jurnal itu, dan bagi menguar-uarkan buku baru dan pengarang, boleh juga sesekali diterbitkan ulasan buku.

Di negara kita kini terdapat banyak universiti awam dan swasta. Banyak penyelidikan dilakukan termasuklah penyelidikan dalam bidang penterjemahan. Tentulah ada antara penyelidikan yang banyak dan menelan belanja yang besar ini yang dapat diterbitkan laporannya walaupun penyelidikan tersebut masih berjalan dan belum ditamatkan.

Sesuatu jurnal ilmiah itu diterbitkan secara bersiri. Oleh itu, setiap keluarannya dinomborkan secara berurutan. Jurnal ilmiah juga terbit secara tekal dan berkala. Lazimnya jurnal ilmiah terbit empat kali, dua kali, atau sekali dalam setahun. Hal ini sangat penting terutamanya kepada pustakawan dan perpustakaan dalam memutuskan sama ada perlu atau tidak untuk melanggan sesuatu jurnal. Jurnal yang terbit secara tetap dan tepat pada waktunya dan kesinambungan bilangannya pula tidak terganggu, lazimnya akan dilanggan jika ada permintaan daripada pensyarah atau pelajar.

Jurnal ilmiah amat mementingkan piawai penerbitan. Ini bermakna, bentuk tulisan dan makalah yang diterbitkan terlebih dahulu diselaraskan bentuknya. Ini meliputi misalnya struktur makalah, format nama pengarang, laras bahasa, istilah, sistem ejaan, reka letak yang tekal meliputi cara menulis dan meletakkan sesuatu jadual dan rajah, dan format senarai rujukan.

Dalam hal pemilihan makalah, suatu jurnal ilmiah dipandang tinggi sekiranya mengamalkan sistem pewasitan yang ketat. Hal ini tidak memadai dengan hanya menyenaraikan nama sidang pengarang antarabangsa sebagaimana lazimnya diamalkan oleh kebanyakan jurnal. Sistem penilaian dan pewasitan yang mantap terpancar pada makalah yang diterbitkan dalam setiap keluaran. Penerbitan makalah yang lemah dan cetek, tidak mengikut piawai penerbitan, tidak memperlihatkan struktur makalah ilmiah ialah petanda sesuatu jurnal itu tidak mengamalkan sistem pewasitan yang mantap.

Satu lagi sifat jurnal ilmiah yang penting ialah ciri penyebarannya di kalangan khalayak pembacanya. Sesuatu jurnal ilmiah mesti diedarkan dan dapat dicapai oleh pembaca sama ada di kedai buku, perpustakaan, internet, atau setidak-tidaknya tersenarai dalam perkhidmatan indeks dan abstrak ataupun bibliografi perpustakaan universiti, kalau pun tidak dalam perkhidmatan antarabangsa.

### **JURNAL PENTERJEMAH 1987—2003**

*Jurnal Penterjemah* mula diterbitkan oleh Persatuan Penterjemah Malaysia pada tahun 1987. Sejak itu, sembilan keluaran telah berjaya diterbitkan, tidak secara tekal dan tidak juga bersiri. Spesifikasi dan maklumat jurnal tersebut selama lapan belas tahun penerbitannya dibentangkan dalam Jadual 2.

**Jadual 2: *Jurnal Penterjemah* 1987–2003**

<b>Judul</b>	<b>Jurnal Penterjemah</b>
Penerbit	Persatuan Penterjemah Malaysia
Pencetak	tidak pernah dinyatakan
Bidang pengkhususan	terjemahan
Mula terbit	1987
Ketua Editor	Baharuddin Zainal (1987, 1989, 1990)
Jumlah keluaran	9
Permit Penerbitan KDN	PP 24/2/89 (sejak keluaran 1989)
Kekerapan	tidak pasti
No/Bil./Jil./Vol.	tiada (kecuali No. 1 pada keluaran sulung)
ISSN	tiada
Saiz	6 x 9 inci
Tebal	tidak tetap
Jumlah halaman terbit	906 (1987—2003)
Makalah bahasa Melayu	41
Makalah bahasa Inggeris	30
Jumlah makalah	71

## KEKUATAN JURNAL PENTERJEMAH

Bolehlah dikatakan bahawa *Jurnal Penterjemah* adalah satu-satunya jurnal dalam bidang penterjemahan yang khusus menampung tulisan dan hasil penyelidikan dalam bidang penterjemahan di negara ini. Sejak 1987, jurnal ini terus terbit walaupun seperti nyawanya ikan. Selama tempoh 18 tahun antara 1987—2005, sejumlah 71 makalah telah diterbitkan yang menyentuh pelbagai topik sebagaimana disenaraikan dalam Jadual 3.

**Jadual 3: Perkembangan Tajuk Perbahasan dalam Kandungan *Jurnal Penterjemah* 1987—2003**

---

<b>1987</b>	tamadun manusia translation programme in scholarly publishing
bahasa kebangsaan kebudayaan kebangsaan translation, the role of modern intellectual tradition penterjemahan kelemahan translation criticism machine translation strategy of research theory of translating literature religious background	kompetensi komunikatif masalah penerjemahan pemeriksaan hasil terjemahan
<b>1989</b>	<b>1993</b>
penterjemahan berkomputer penyelidikan dlm. pembangunan negara translation courses istilah sains kolokasi sains dan teknikal translators training translation in science linguistik penterjemahan berkomputer komputer penyelidikan penterjemahan linguistik penterjemahan	penterjemahan dan penterjemah translator's role translator training hasil terjemahan mutu terjemahan terjemahan teks ilmiah translation of legal documents teori konteks translator's responsibility translation right, licensing of spoken language
<b>1990</b>	<b>1995</b>
terjemahan dalam pengajaran kawalan mutu kegiatan lintas budaya puisi Indonesia sumbangan	intellectual and cultural change semantik hubungan semantik terjemahan pindahan makna  Yosano Akiko Theory of Target World Experiential Matching Theory of Translation Malay language Semantik penterjemah semantik

**1996**

Malay as Lingua Franca	penterjemahan
epistemologi	bidang agama
bahan terjemahan	buku Arab
pengajaran bahasa asing	nama hotel
Institusi Pengajian Tinggi	sendi nama Arab-Melayu
penterjemahan	teks agama
dalam perkamusuan	analysis of translation
teks ekonomi	surah al-Baqarah
translation	
research and accreditation	
translator	
pemindahan makna	sacred text
translation or literary texts	transliteration
kegiatan penterjemahan Penerbit UTM	translation
industri penterjemahan Malaysia	
pengglobalan penterjemahan	
penterjemahan dan pengglobalan	of religious works
pengkaryaan hasil terjemahan	of the Quran
pengkorporatan universiti	

**1997**

karya negara	aspek pragmatik
pengantarabangsaan	berita
translation in computer science	era globalisasi
penggunaan kamus	dan K-ekonomi
pelajar penterjemahan	kepentingan dlm. K-ekonomi
program penterjemahan	dan pemindahan teknologi
penterjemahan buku sains	teks ilmiah
scientific translation	hegemoni bahasa
Malay academic translation	korpus terjemahan

**2001**

landasan penerbitan	teori relevans
terjemahan dan Dewan Bahasa	teori penterjemahan
dan Pustaka	kaedah penterjemahan
	karya terjemahan
	akta hak cipta
	hak cipta

Daripada Jadual 3, jelaslah bahawa *Jurnal Penterjemah* telah memberikan sumbangan yang bukan sedikit dalam membina korpus ilmu bidang terjemahan di negara ini. Dapat juga dilihat anjakan ilmu dalam bidang ini dalam masa hampir dua dekad yang lalu. Sungguhpun demikian, banyak sekali aspek dalam bidang penterjemahan yang tidak terserlah dalam jurnal yang telah agak lama diterbitkan ini.

Walau bagaimanapun, disebabkan jurnal ini tidak terbit secara tekal, peranannya sebagai wadah perbahasan dalam bidang penterjemahan di negara ini seringkali diambil alih oleh jurnal lain dalam bidang bahasa dan linguistik seperti *Jurnal Bahasa* terbitan Dewan Bahasa dan Pustaka. Oleh yang demikian, seringkali kita dapat membaca makalah dalam pelbagai sub bidang penterjemahan dalam jurnal lain yang disebutkan itu.

*Jurnal Penterjemah* diterbitkan oleh Persatuan Penterjemah Malaysia, sebuah badan yang disegani kerana dianggotai oleh ramai sarjana bahasa, pengajian Melayu, dan penterjemah profesional yang terkenal. Dengan jaringan yang sedia terjalin sama ada secara peribadi mahupun profesional, kepimpinan persatuan ini telah terbukti dapat bekerjasama dengan badan korporat dalam kebanyakan kegiatannya termasuk dalam menganjurkan anugerah karya terjemahan. Pendek kata, wang bukanlah masalah pokok kepada persatuan ini dalam menerbitkan *Jurnal Penterjemah*.

#### **Jadual 4: Senarai Penyumbang *Jurnal Penterjemah* 1987—2003**

A. Aziz Deraman 1998, 2001	Muhammad Alias 2003
Ab. Rahman Ab. Rashid 2003	Muhammad Fauzi Jumingan 2001, 2003
Abdul Halim Abdullah 1993	Muhammad Y Gamal 1993
Abdul Hamid Mahmood 2003	Nik Hassan Basri Nik Ab. Kadir 2003
Abdullah Hassan 2001	Noor Ein Mohd. Noor 1990
Adolfo Gentile 1996, 2003	Noor Ida Ramli 1998
Ahmad Hasbullah 2001	Nor Azizah Abu Bakar 1996
Ahmad Shamsul Abd. Aziz 2003	Norhafizah Mohamed Husin 2003
Ahmad Zaki Abu Bakar 1989, 1996	Norliza Hani Md. Ghazali 1995
Ainon Khairiyah Mohd. Abas 1987	Normah Abdullah 1993, 1996
Ainon Muhammad 1989	Peter J. Silzer 1990
Amla Mohd. Salleh 2003	Quah Chiew Kin 1998
Ang Lay Hoon 2001	Rogayah A. Razak 1995
Asim Gunarwan 1990	Roger T. Bell 1996
Atiah Mohd. Salleh 2003	Rokiah Awang 2003
Brian D. Smith 1993	Rusli Abdul Ghani 2003
Cesar A. Hidalgo 1987	Rustam A. Sani 1987
Che An Abdul Ghani 1993	Saad Edin Mansore Mohammad 2001
Choi Kim Yok 1990	Sa'odah Abdullah 1990, 1995
Hasnah Ibrahim 1993	Sean Golden 1989
Hazizan Md. Noon 2001	Sharifah Zainab Syed Mohd Khalid 1993, 1995, 1996
Helen Miehle 1990	Silvia B. A. Becher Costa 1989
Iza Dura Abdul Manan 1996	Siti Khatijah Mohammad 1995
Khalid Mazlan 1998, 2003	Sohair Abdel Moneim Sery 2001
Kratz, E. U. 1996	Sulaiman Masri 2003
Liu Zuwei 1989	Syed Muhammad Dawilah 1996
M. Husnan Hussein 2001	Toyoaki Nishida 1987
Marina Hashim 2003	Ummul Khair Ahmad 2003
Mashudi Kader 1996, 1998, 2001, 2003	Utta Roy-Seifert 1993
Mazita Muhammed 2003	Wan Azham Wan Mohamad 1993
Mildred L. Larson 1987	Wan Fuad Hassan 1990
Mohammad Noor Salleh 1996	Wong Fook Khoon 1998
Mohammed Akram A.M. Sa'adeddin 1995	Yusof Yaacob 1996, 1998
Mohammed Samir Abdel-Monem 1993	Zaharin Yusoff 1989
Mohd. Mansor Salleh 1987, 1989, 1995, 1996	Zahrarah Abd. Ghafur 1995, 1996
Mohd. Mokhtar Ahmad 1993	Zulkifley Hamid 2003
Mohd. Zubil Bahak 2003	

Sejak hampir dua dekad lalu, jurnal ini telah memberi ruang kepada sejumlah 73 penulis dan penyelidik dalam bidang penterjemahan sebagaimana dibentangkan dalam Jadual 4. Beberapa penulis telah menyumbangkan lebih daripada satu makalah ke dalam jurnal ini.

## BEBERAPA CADANGAN PEMBAIKAN

Setelah hampir dua dekad penerbitannya, *Jurnal Penterjemah* patut melaksanakan beberapa perubahan dalam mendepani khalayak penterjemah yang lebih profesional. Sebagai jurnal ilmiah, *Jurnal Penterjemah* mewakili bidang kepakaran yang khusus iaitu bidang penterjemahan. Namun dari sudut lain, masih banyak ruang yang dapat dibaiki.

- **Identiti jurnal.** Daripada Jadual 2, kita dapat mengesan dengan jelas kelemahan *Jurnal Penterjemahan* terutama pada identitinya. Soal yang paling pokok ialah: Apakah *Jurnal Penterjemah* ini suatu jurnal ilmiah? Bagi menjawab soalan ini, kita boleh membandingkan jurnal ini dengan ciri-ciri sebuah jurnal ilmiah sebagaimana dibincangkan pada bahagian yang lebih awal dalam makalah ini.
- **Penomboran dan Siri.** *Jurnal Penterjemah* tidak terbit secara berkala, tidak dinomborkan, dan tidak bersiri. Justeru, ia tidak layak memakai nombor ISSN iaitu International Standard Serial Number yang diberikan hanya kepada terbitan bersiri. Aspek ini patut dibaiki oleh penerbitnya agar jurnal ini dapat diterima sebagai terbitan berkala dan bersiri.
- **Sebaran.** Jurnal ini bolehlah dikatakan tidak tersebar kerana tidak dapat dicapai di perpustakaan universiti yang utama di negara ini seperti perpustakaan Universiti Malaya dan perpustakaan Universiti Kebangsaan Malaysia walaupun di kedua-dua universiti yang besar ini diketahui terdapat pakar yang mengajar bidang terjemahan, selain terdapat beberapa program dan kursus terjemahan yang ditawarkan. Bagi meningkatkan *visibility* jurnal ini, boleh juga diwujudkan laman webnya di Internet.
- **Penyuntingan.** Aspek penyuntingan jurnal ini ternyata seringkali diabaikan. Hal ini dapat dikesan seawal pada halaman pertama lagi. Bagi keluaran 1996, misalnya judul makalah yang tertera di kulit hadapan sama sekali berbeza dengan yang ada pada halaman kandungan. Kewujudan halaman judul, halaman hal cipta, dan halaman prakata yang sepatutnya hanya ditemui pada buku dan tidak pada jurnal merupakan bukti bahawa editor tidak dapat membezakan wajah antara sebuah buku dengan rupa suatu jurnal. Maklumat pada halaman judul, halaman yang menyenaraikan jawatankuasa kerja Persatuan Penterjemah Malaysia dan halaman prakata sebaiknya digabung menjadi halaman editorial. Dengan demikian, prakata patut diubah menjadi lidah pengarang.
- **Bentuk makalah.** Jika diteliti, terdapat pelbagai bentuk makalah yang diterbitkan dalam jurnal ini. Editor mesti menetapkan bentuk makalah yang sesuai diterbitkan dalam jurnal ini. “Panduan Kepada Pengarang” patut diterbitkan pada halaman akhir jurnal ini bagi membantu bakal penulis menghasilkan makalah yang selaras.

- **Pemilihan Makalah.** Jika diteliti kesemua 71 makalah yang pernah diterbitkan dalam *Jurnal Penterjemah*, kita dapat melihat pelbagai bentuk dan struktur makalah. Dalam keluaran 1993, terdapat makalah yang hanya sepanjang dua halaman. Kita dapat rasakan dengan jelas bahawa kebanyakan terbitan jurnal ini adalah sisa-sisa daripada makalah yang tercicir daripada diterbitkan dalam prosiding persidangan penterjemahan. Bahkan, hakikat ini disahkan oleh Sidang Editor misalnya bagi keluaran 2001: “.... seperti amalan biasa, kertas kerja yang tidak sempat dicetak dalam prosiding diberi penghormatan untuk diterbitkan dalam *Jurnal Penterjemah*.... .”
- **Pewasitan.** Jurnal ini patut membentuk kumpulan pewasitnya, bukan sahaja bagi mewasit makalah untuk jurnal ini, bahkan untuk prosiding juga bagi menerbitkan kedua-dua: jurnal dan prosiding berwasit. Dengan ini, mutu makalah dapat ditingkatkan. Amalan melonggokkan makalah yang terlambat masuk ke prosiding ke dalam jurnal ini tidak patut diteruskan sama sekali kerana langkah ini menggambarkan kelemahan dalam pemilihan makalah. Misalnya, meskipun sidang editor menegaskan dengan jelas bahawa makalah yang diterbitkan untuk keluaran 2001 “...bertemakan Penterjemahan Tek Agama...” namun, kita dapat membaca juga makalah yang sama sekali menyimpang daripada “tema” yang dinyatakan itu seperti makalah berjudul “ Penterjemahan nama hotel di Malaysia.”
- **Nama Pengarang.** Aspek penulisan nama pengarang juga memperlihatkan beberapa kelemahan. Nama pengarang patut dihadkan kepada nama sebenar pengarang tanpa melibatkan gelaran (Haji, Hajah, Dato’, Dr. Prof., dan sebagainya). Editor nampaknya amat meremehkan hal ini sehingga makalah yang diterbitkan tanpa nama pengarang menjadi perkara biasa bagi jurnal ini. Misalnya, makalah terakhir bagi keluaran 2001 dan makalah ketiga bagi keluaran 1995 diterbitkan tanpa nama pengarang.

## KESIMPULAN

*Jurnal Penterjemah* yang terbit sembilan kali sejak 1987 sepatutnya diterbitkan dalam bentuk yang lebih baik sesuai dengan tarafnya sebagai wadah bagi ahli profesional dalam bidang penterjemahan. Buat permulaan, suatu dasar editorial yang sederhana patut digariskan bagi menjadi pedoman kepada editor menjalankan tugasnya dan memudahkan penyumbang makalah. Langkah yang lebih agresif bagi mempromosi dan menyebarkan jurnal ini patut digerakkan. Langkah menerbitkan jurnal ini jangan hanya menjadi beban persatuan penterjemah, tetapi hendaklah dikongsi bersama institusi lain yang terlibat dalam bidang ini. Tugas menerbitkan jurnal ini mesti turut disertai ahli akademik di universiti, editor dan penterjemah di Dewan Bahasa dan Pustaka serta Institut Terjemahan Negara dan penerbit swasta.

---

## Penghargaan

---

Penulis merakamkan ucapan terima kasih kepada Puan Sa’odah Hj Abdullah yang sudi membekalkan set lengkap *Jurnal Penterjemah* bagi kajian ini. Kepada Saudara Balaetham Kalimuthu yang membaca draf naskhah makalah ini juga diucapkan ribuan terima kasih.

## RUJUKAN

- Abdul Rahman Embong. 1997. Meningkatkan mutu *Akademika* sebagai jurnal antarabangsa. Kertas kerja Bengkel Sidang Editor Kakademika 1/99, UKM, Bangi, 21 Julai.
- ASAIHL. 1975. *Scholarly Publishing in South-East Asia*. Kuala Lumpur: Association of Southeast Asian Institution of Higher Learning.
- CBE Style Manual*. 5<sup>th</sup> edition. 1983. Maryland: Council of Biology Editors, Inc.
- The Chicago Manual of Style*. 14<sup>th</sup> edition. 1993. Chicago: Chicago University Press.
- Lim Huck Tee. 1975. Problems of publishing scholarly journals in Malaysia. dlm.
- ASAIHL. 1975. *Scholarly Publishing in South-East Asia*. Kuala Lumpur: Association of Southeast Asian Institution of Higher Learning. Hlm. 57-69.
- Md. Sidin Ahmad Ishak (Penyelenggara). 1997. *Penerbitan Jurnal Ilmiah di Malaysia*. Kuala Lumpur: Penerbit Universiti Malaya.
- Roosfa Hashim. 2002. Akademika 1972-2002: Pentas kesarjanaan sains sosial Malaysia. *Akademika* 61: 3-44
- Zainab Awang Ngah. 1997. Malaysian scholarly journals: Their visibility and characteristic. dlm. Md. Sidin Ahmad Ishak. *Penerbitan Jurnal Ilmiah di Malaysia*. Kuala Lumpur: Penerbit Universiti Malaya.